

Zeitschrift: Schwyzerlüt : Zyschrif für üsi schwyzerische Mundarte
Band: 19 (1957)
Heft: 1

Buchbesprechung

Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 30.03.2025

ETH-Bibliothek Zürich, E-Periodica, <https://www.e-periodica.ch>

BUECHERSTUBLI

Otto Wolf: Dr Husgeist, Erz. uf solothurnerdütsch, Line, 170 S., Fr. 8.80, Volksverlag Elgg (Zch.), 1956.

E rächi Prosatradition git es für ds Schwyzerdütsch eigelech numen im Bärnbiet und Solothurnerland, wo sech der Schild F. J., der Hofstätter J., der Joachim Josef, der Wyss B. vo alters här e guete Name gmacht hei, bis es du i user Zyt der Josef Reinhart zur wahre Meisterschaft bracht het. I de letschte Jahr het es ehnder e chli afa harze mit neujen und junge Gschichteschriben, we scho der Fischer Ed., der Fringeli Albin und Ingold W. sech i däre Kunscht öppe guebt hei. Drum isch es für üs alli e Troscht zwüsse, dass mit em Otto Wolf e neuje Brichter und Gstalter ryfet, won is sicher no gueti und währschafti Choscht wird schänke, wie i sym «S Schanettli und ig» (1936), i sym «S Dildi» (1950) und ganz früscht i sym «Husgeist». Dä begabt Autor versteit's, Land und Lüt läbig und gschyd z schilderen und dHandlung ärschtig aber doch sittig abzspuele. Er idealisiert nid alles, wist uf Liecht- und Schattesite, laht aber doch ds Gueten im Mönsch la gälten und e Härzton la mitschwinge, won is bsunders i syne Frouegstalte packt und aheimelet und üs mängisch grad Längizyt git. Wieso? — Ja, das sötted Ihr de scho sälber im Buech usefinde . . . G. S.

Simon Gfeller: Steinige Wege, 241 S., Line, Pris 9.80 Fr. Bd. IX vo der Gsamtusgab, A. Francke, Bärn, 1956.

Wil mir in user letschte Nummer «Im Baselbiet» grad em Gfeller Sime syne «Geschichten aus dem Emmental» besproche hei, tüe mir dä zwöit Band uf schriftdütsch nume churz azeigen und empfahle. Sicher würden Ech au die «Wäge», wo nüd öppedürhar steinig si, guet gfallen und inen und ufe füere. —

Mit em X. Band (Briefe, Vermächtnis) isch de die wärtvolli Gsamtusgab, won i jedes Bärnerhei und Schwyzerhus ghört, schön fertig und grundet. G. S.

Beat Jäggi: Liechtli im Dezämber, Gedicht und Värse uf solothurnerdütsch.

Schwyzerlüt-Verlag, Fryburg, 1956 (Zwöiti Uflag), 80 S., Fr. 5.70.

Die fynen und doch so läbige Sprüch und Värse hei scho im erschte Jahr sovil Freud gschanckt und Fründe gfunde, dass mer sie grad früscht hei müessen und wölle la drucke, was e chlis Wunder isch für schwyzerdütschi Ruschtig! G. S.

Christian Lerch: Vom guete Bärndütsch, 24 S. Sonderdruck, Bärn 1955.

Die Sach wär rächt und meh als nötig. Nume sötti die Gschrift öppe 240 Site zellen, und mit em bärndütsche Wörterbuech vom Em. Friedli selig sötten es paar Bärner Studänte langsam aber sicher füre mache. Süssch nützt alles Predigen und Gutmeine grad nüd. Feschte Bode mues si, und e Wägywyser und Ratgäber sött häre, göb's lang geit. G. S.